



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Domitii Plati Societatis Iesv Theologi, De Domini
Nostri Iesv Christi Passione**

Piatti, Domizio

Coloniae Agrippinae, 1610

De vulneribus brachiorum.

[urn:nbn:de:hbz:466:1-49474](https://nbn-resolving.org/urn:nbn:de:hbz:466:1-49474)

structuram quandam dolorum, liuorum, & amplissimorum vulnerum, supra sanguinolentos & saucios Christi humeros: & ipse ad extremum instar lapidis, tunfionibus & pressuris expoliti in sublimi sanctæ Crucis ædificio, collocatus fuit.

Neque tantum fuit dolorum fabrica, & lapis flagellorum ictibus concisus, sed etiã terra probè culta & subacta, quoniam ita immaniter percussus & flagris laceratus fuit, vt tortores in sacratissimis humeris illius, tales sulcos effecerint, quales facere solet aratrum, cum terra eo proscinditur. Hinc vbi nos legimus in vulgata editione *supra dorsum meum, fabricauerunt peccatores*, iuxta hebraicam veritatem verti posset: *dorsum meum arauerunt aratores*. quæ verba à sacris Doctoribus ad sanctissima Christi vulnera in flagellatione accepta referuntur.

Tertio, contemplare cum S. Brigida, atrocissimum illud dorsi vulnus, quod supra modum grande fuit: quia cum Cruci nodus quidã inesset, & Christus eidem nodo dorso inhereret, corpore propter pondus, descendente, magnus quidam hiatus, ibidè inæstimabili cum dolore, effectus est.

De brachiorum Christi vulneribus.

Primo considera, quemadmodum è sacra sindone patet: brachia Domini fuisse multis

I.
vulnera
brachiorum
Christi.

300 DE CORP. DOL. SALVAT.
multis & ingentibus vulneribus referta
quibus magna sanguinis copia scaturie
bat.

2. *Secundò* expendite tecum, hæc brachia ad
eò immaniter habita, & crebris percussio-
nibus saucia, multoq; sanguine resper-
figurata fuisse in cornibus arietis, quod
brahamo, cum filium Isaac immolatum
esset, in monte apparuit: sic enim ait Beda

Gen. 22.
Beda in Gen.
cap. 24. *Per cornua arietis brachia saluatoris IESU
Christi crucifixi in medio vulnerata intelligimus.*

3. *Tertiò* reuoluè tecum: præter plagas &
percussiones, fuisse quoq; brachia hæc mi-
serandum in modum luxata, quando pe-
summam violentiam instar arcus distentis
& funibus tracta fuerunt, vt ad loca con-
clauationi destinata pertingerent: quod
videntur mihi commodè illis applicari
posse hæc Prophetæ verba: *Posuisti vt arcus
areum brachia mea.* Quibus verbis duobus
bis repræsentantur, conformia duobus
effectibus, qui possunt considerari in ar-
cibus fortiter deo: quorum prior est violentia
posterior est robur in sagittando.

Psal. 17.
Ita brachia Christi cum essent arcus in-
star tensa, non tantum propter violentiam
demonstrant nobis dolorum illius acerbitatem,
verumetiam efficaciam & virtutem
eorum, partim in vulnerandis sui amato-
rum.

CONSIDERATIO III. 301

toribus, sagittis diuini amoris, partim in subiugandis quibuscunque cordibus induratis & ad pœnitentiam inducendis.

Quarid, possumus quoque considerare
brachia hæc à vulneribus fracta & debilitata, crudelēque in modum extensa, esse alas illas, de quibus ait Dominus in Evangelio, urbem Hierosolymitanā alloquens. *Quoties volui congregare filios tuos, quemadmodum gallina congregat pullos suos sub alas, & noluisti.* Ex quo intelligere possumus, quam inæstimabilis fuerit Redemptoris nostri pietas, qui propter summum & flagrantissimum nostræ salutis desiderium, ingentemque cupiditatem, qua nos brachijs misericordiæ suæ velut scuto protegere desiderat, in ijs diuinæ iustitiæ ictus, nostris sceleribus debitos excipere non dubitauit.

DE VVLNERIBVS MANUUM Saluatoris.

Primò considera, vulnera manuum Christi fuisse supra modum dolorifica; eò quod crassis clauis, vti notat Abulēsis, transfixæ fuissent eæ corporis partes, quæ sensum habent tenerrimum ac delicatissimum, vti sunt manus, propter nervosum atque venarum concursum: maximè cum illæ sustinerent totius corporis graue

I.
Vulnera manuum Christi.
Dialog de de Pass. l. 14.

V pon-